

7

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

JAN 26 1954

T5417 / 4298 B1

楊
升
菴
集
七

七
二
五

升菴先生文集二十二卷

成都楊慎著

從子

後學趙高安陳江陽王內江蕭

開美校正 邦瞻重校 藩臣分校 如松分校

哈佛大學哈佛葉宗 有行編輯印

五言排律

八月二日經筵紀事

經帷當日表講殿直天中鵠鷺隨多士貂蟬列上公
墀聲分噦噦櫺影辨曛曛湛露晞蘭省卿雲爛桂宮
蟻浮仙酒綠鶴翥錫袍紅晉晝延三接堯旻達四聰
衣香芬玉藻履跡印璇穹觀易三陽泰陳詩萬國同

楊子集卷之三十一
寵高梁授簡恩邁漢臨雍奎聚占乾象研書識帝鴻
羽陵無蝕蠹玄閣謝凋蟲瑩德同金礪温規借玉攻
宸瞻休氣近鍾叩德音隆卷帙叨從事簪裾儼在躬
涓塵何補助海岳自深崇敢詫桓榮力還歌吉甫風
與方思道別
子有東山行訪予東城曲承風動別颺揆景淹離旭
青翰下新波驪駒遵往陸贈言已結詒晤語猶更僕
颯颯宣宮商郁郁披華縟煌煌京洛都濟濟英賢躅
端居促席輕分岐馳念篤芝蘭在久要丹雘失相勗
幸駛星駕期共玩春芳綠

辛卯園池春晚圖

方塘含廣漪名園饒雜英花蟲丰茸戲水鳥間關鳴
啁啾旣萬態藿藜又千名錦純奪艷色笙簧無雅聲
聲色知可翫冶遊空復情青雲從東駛白日向西傾
還思玄洲路遠訪丹丘生

首夏郊觀得者字

端居臨囂塵良辰睠林野聯翩接華裾邂逅命金馬
玉堂凌炎歊琪園敞瀟洒丹葩駐餘春清陰澄首夏
烟絲困欲扶風絮情猶惹羽翼涼颺浮塵尾玄韻瀉
山陰茅宇期水曲蘭亭筆青雲興何高白雪和彌寡

列子風馭還襄童日車下回首汗漫游愧尔悠然者
夏日登昆盧閣

赫曦改東陸鮮飈轉南薰炎歊深城府清冷阻江濱
隱几倦文竹紬書厭香芸眷言承明侶肅此塵外群
仙梯駕虹出梵閣排霞分攀楹低白日對檻俯朱雲
圓方鵠舉見參差鸞歌聞意樹鳴天籟禪枝繞烟芬
斜景歛平靄飛雨洒高雲金罍引清酌玉麈生涼氛
興謠吐雲藻搖筆揮風斤香留荀令榻書染羊欣群
奇賞真四美同詠慙五君

箕山王氏亭子

華館敞清虛蘭塘帶碧渠山雲迎下榻海月入前除
席對仙人宴門回長者車林喧沽酒鳥水躍聽琴魚
六馬將軍畫雙鸞內史書天遊脫羈馬野服謝簪裾
策杖歌招隱披襟誦卜居菟裘名勝地真作偃佺廬

送江景熙

西陸戒嚴兩東溟理仙艫征皖搖孟渚行闕動吳覲
山川成異地岐路感分衢雲中翔乘鴈汀際隱雙鳧
林楓夕響振籬籬霜艷敷蹉跎良遊阻荏苒芳節徂
晨風方發發晚露已塗塗行矣曠音息因之重踟蹰
安公石館賞並蒂蓮得井字

何處同心花移根七仙井日彩曜聯華風漪漾雙影
金塘宛虹歌翠盎沉霞靜已近交疏窓復接參差荇
露飲對壁人涼颺失炎景南遊遲采芳相思歲將冷

送許稚仁得玉字

之子蘊英猷夙齡在仙錄峯苑采瑋琇天閑得驊駉
曳裾青瑣闈焚草明光燭止戈義驟陳諫獵書曾讀
虎旅昔屯邗龍鱗幾嬰觸邇載逢休明沍寒回氲焘
羽儀遂高騫離照開四矚坐見皇風移歛受恩波浴
厭直下承明經略盡郊廓露網馳文軒金鈔耀朱襪
豈謂嚶鳴群翻成驪駒曲回腸繞車輪睽目謬丹綠

祖席臨折梅勞歌聽采棊笛喝引飛鴻絃音催別鵠
分曹理毫素同聲覆杯醪霽宇澄皎雩陽林淨斨旭
煙霜異節驚山川別岐促良會將無踈思君如美玉

聖泉篇贈韓石溪

龍圖天生水義畫山出泉睠茲感沸流肇彼渾沌年
盈涸在頃刻消息同坤乾塵刹變朝夕億垓無貿遷
帝臺盎漿及神漢壺嶺顛冰雪姑射質風露綽約仙
竇雲騰滴滴泓月涵娟娟蝦鬚穿皎鏡蟹眼瞭淪漣
岷觴衍遊聖坳舟喻思玄迷蹤鬼方霰蘊真羅甸烟
詎逢陸羽品那遇桑欽傳名公紆勝引嘉招陶芳筵

折簡開蒼蔚飛觥延霽天玉珂裊重巘金艾明華田
碧漱灑柔翰翠微鏗洞絃臨源稱混混倚谷望裕裕
嚴闈鑿鼓動迴谿蕢燭然荒塗欣良會興言遂成篇

立春詠鈿梅

新春見早梅先折一枝來不待并刀剪何須羯鼓催
年光掌上出春色髣邊回影浸金瓶水香留玉鏡臺
精神憐粉素零落惜瓊瑰情惹陽雲夢歌成郢雪才
佳人知愛重摘取泛霜盃

建林驛垂柳

枝枝金縷細葉葉翠條輕嫋嫋曾經折陰陰已復成

流鶯頻喚曲征騎此重行不爲芳菲惜多緣歲月驚
烟條縈水曲風絮惹山城閨怨佳人笛邊愁大將營
婆娑漢南意因見古人情

送周子庚

金

都憲撫邊

肅肅戒嚴程蕭蕭班馬鳴龍庭新節制騎省舊才名
玉律調秋氣金鏡寢夜聲隴雲笳外結關月笛中明
鸞朔臨秦障鶉瓢繞漢城沙汀行見鴈海樹坐聞鶯
遊霰懷前賞歸風遡別情佇聽歌凱入一舉塞垣清

送童士疇

承緒

冊封河南

西候臨周道南溟望楚雲恩綸三殿出瑞節五潢分

瞻洛詩先誦遊梁賦早聞神臯添藻思仙苑挹蘭芬
池遠鳳皇影江連鴻鴈群歸程應計日陌上草初薰

南館對雪

玄霜有端木玉葉凌雲栽人間驚未見天上還先開
斜飄涼風館平覆露寒臺墻陰明紫界城隅爭丹埃
象廊光掩映鸞掖舞徘徊飛雲纔繞雷積霰忽成堆
三素綦邊瑩六花衣上來東閣觀梅興南宮視草才
熏爐馥朝襍仙醞盈春罍書停柱下筆歌待郢中催
小春紅梅效徐庾體

風池冰未合雲林葉才彫小梅含紫萼踈英綴青條

飄香寒谷迥靜影月林遙絳雪明玄夜丹霞凝素朝
美人惜瓊樹纖手撫金翹剪綵添花蕊橫枝當綺寮
春杯酌鸚鵡夕幌啓鮫綃鮮粧呈粉艷醉頰湧紅潮
百和鑪煙歇九枝燈焰消窓通羅浮夢簾隔壽陽嬌
笛奏金將落瑟心弄未調芳華誰與問秀色自孤標

賦得流風迴雪

春雲籠半晴春雪太多情神飈起玄朔仙雲飄紫清
軒墀颭以徧房櫳曖有聲宛轉逗香徑玲瓏穿綺楹
稍訝銅池淨俄看釵砌平沾梅粉臆動染柳翠梯驚
絃歌隨綽約巾舞闌輕盈借問凌波浦何如不夜城

羊皮彩燈屏

鴈足懸秦殿鯨膏朗魏宮何似靈獬鞞揚輝玄夜中

百琲添絢爛七采閨玲瓏洛洞金光徹異苑洛洞穴中金寶交飾

明奪三光中有神羊居之東岳玉華融易是類謀東岳亡玉羊劉孝綽詩玉羊東岳上金虎

西方雪毫羞曜日雲母詎障風白石望如近素絲看

若空青精千歲樹丹影五仙虹餘明如不息還持繼

燭龍張禹山曰凡詠物詩不工則泛太工則弱此詩咏物極工而體句在古樂府中表表獨步

春郊得紫字張惟信同賦

韶景臨上春年華屬元巳晉禊首洛濱鄭風詠溱洧

渙川盈蕙蘭芳蹊蔭桃李宛宛流文鶯班班韻澤雉

園翹豐綠萸水葉牽玄泚百琲佳麗人千金遊冶子

飛葢雜英前行筵方樹底廣幕耀周緹袷服矜齊紫

野隰被華丹林籟和宮徵徙倚非送歸躊躇因望美

陌上君馬飢閨中妾蠶起晴絲颺鳴鞘香塵翼還軌

冲虚情已遺沉痾酒仍止請從張茂先清言洞名理

首夏送東城邵園餞彭子玄給諫得送字

遲遲東畧移習習南薰動暄樹語綿蠻晴嵐收蛩竦

美人獨搖裝良儔遠相送城隅敞行筵陌塵靜飛鞚

漸臺高白虎梓澤隣金鳳掛衣女蘿谿展席仙霞洞

香影散清陰雲液流春瓮鷓首且沿洄驪駒大控僊

竹枝巴渝聲桃葉江南弄明發聽晨鍾悠悠隔江夢

補范石湖占陰晴諺謠

朝霞不出市暮霞走千里日早雨淋腦日晏鴈晒翅

天道管難窺農談綽有理星占溼土時諺云乾星照溼土明日依

舊月驗仰瓦比諺云月如仰瓦不求自雨多風粥粥鷄上籠

雞上栖雨主趨趨魚秤水魚跳出水雲起樓梯天諺云樓

破日沒燕脂紫諺云日沒燕脂紅無雨也有風電光分南北陰霽在

俄畧諺云南閃千虹為水椿兒虹主晴亦主雨明而

俗呼水椿兒主雨霧是山中子諺云山頭戴黑猪渡斜漢視

天河中黑雲謂之野猪渡天河主雨蕭水金烏抱

雙耳日抱耳聒聒卜蛙鳴疆疆占鵲喜戴帽視泡文

雨點有泡謂之戴帽主雨着裙看瓮底瓮下有溼痕曰金星驗雜

出燈花結雙藥昕夕恒目擊雨暘如掌指方朔廢射

覆洛閣休曆紀先哲有格言林卧觀無始

補杜子美哀張九齡詩

相國生南紀蔚為曲江彥山接韶音峰秀鍾重華旬

風雅既葳蕤聲名鬱葱倩登庸伊呂科敷奏姚宋羨

珠澤隨侯雙玉林郤詵片九重集神仙咫尺生願盼

陸謝擅緣情沈范采餘絢九遷帝獨奇三臺師錫薦

補衮綴宗彝用藥必瞑眩防乎貴未然介焉斷幾見

狐媚蕩主心狼子紆皇眷金鏡倏垢塵玉弩驚腥啓
萋斐偃月堂棄捐秋風扇鼉動漁陽輦蟲飛太極箭
朱鸞奔咸京青騾乘蜀傳棧閣雨淋鈴宛洛颺廻縣
蜚鴈愁仰霄昆蹄怯升甌噬臍漫天泣回腸嶺南奠
精已箕尾騎魂猶螭頭戀絕綫國步危規瑱忠言賤
青史篆呼嶸翠珉藤跃蔓誰琢徐孺碑彫虫但黃絹
劉涇溪云九齡大節在奏請斬祿山以絕後患
杜公八哀詩既不明白末亦不及另祭事殆失
詩史未免拾其細而遺其大也慎輒爲補一篇
豈敢以龍涼闔華衮鈇刃齒步光哉亦續涇溪

之餘蘊發曲江之幽光觀者勿哂之

送崇慶白判官

宦蹟標南郡賢勞賦北山分攜千里外留滯一年間
梅閣春全隔花宮月幾彎水聲隨露冕塵路損風顏
別路遙岑合離亭二水環永言君子贈懷惠野人攀
共道鶯遷近來瞻馬首還

明

新安吳勉學

校梓

升菴先生文集二十二卷

升菴先生文集二十三卷

成都楊慎著


從子 有仁編輯

後學趙開美校正
高安陳邦瞻重校
江陽王藩臣
內江蕭如松 全校

七言古詩

送李元白侍御巡茶馬

漢家六郡防秋野秦地長城限諸夏單于自款幕南
庭天子非貪大宛馬柱史東臺獬豸冠霜威北塞斗
牛寒衛青驃騎尋常足克國屯田什一寬隴頭流水
停鳴咽朔吹先春飄惠澤好繼周書王會圖休翻樂



府關山月

紫杉行

雉雞斑文孔雀尾紫杉載月八千里越舫楚舵相並
行半入明湖半蘄水人生醜好無百年束縛亦得歸
黃泉此物何用一百片水鬼揶揄風浪顛

明當作

養龍坑飛越峰天馬歌

高皇御天開大明龍馬出自養龍坑房星夜下鹿盧
寨天駟曉來驃騎營殿前重瞳回顧眇奚官仗外爭
相迎鷄鳴牛首試控縱鳳師麟儀無逸驚歸風絕塵
羨迅疾逮日先影羞翮輕四蹄翩然不踉地六飛如

在空中行是時雄酋有奢香左駮牡驪右牝黃貢上
金陵一萬匹內廐惟稱此馬良宸遊清燕幸鸞坡學
士承旨讚且歌飲以蘭池之瑤水秣以芝田之玉禾
飛越峰名自天錫駿骨雖朽名不磨至今百七十歲
時山頭猶有養龍池方經地志或遺漏箐苗洞獠那
能知吾聞天下有道飛黃伏皂又聞王良策馬車騎
滿野前時吉囊寇大同烽火直達甘泉宮近日莫羸
亂交趾羽書牙璋徧南中安得將星再降傳友德房
宿重孕飛越峰一月三捷獻俘馘千旄萬旗歌熙雍
嗚呼將相寧有種龍馭豈無媒經途訪跡一興慨郭

隗孫陽安在哉長歌終曲長風來

題夏仲昭竹寄陶良伯

驥

太常胸次瀟湘寬少年愛寫生琅玕白馬莩苑更入
妙筆法遠追王孟端兩家名藻雄吳下品題未覺風
流亞一紙能令百世傳兩竿不啻雙金價人言畫竹
非画工草書結構將無同誰家高堂名寶繪徐熙花
鳥迷青紅玉人佳興松江東寄圖索賦隨長風遙知
把玩清香裏正是相思明月中

擊壤圖

陶唐天子調八風鳳儀獸舞明廷中誰知鼓腹行歌

者復有山中擊壤翁短袖單衣露兩肘野狀村容不
自醜掀髯笑傲肩相隨共道帝力我何有柳谷餞日
暘谷賓老翁那記昏與晨一作一息有出入時耕時
鑿無冬春莫莢開殘又朱草生來未識平陽道海隅
赤日燒九州寰中息壤汨洪流已見天戈揮丹浦更
聞風伯殪青丘老翁其間百不憂直從紅顏到白頭
君不見許由逃堯勞步履巢父洗耳污清泚華封老
人費言辭康衢小兒強解事姑射丰姿雖可珍神仙
彷彿信難真君看擊壤千年後多少行歌帶索人

離席行送彭二

幸菴尚書之弟

昔子從軍巴蜀山橫戈千里何間關坐使麒麟日月
煥行收魚鳥風雲閑文武才名歸一姓兄弟勲華許
誰並起晚已謝時運傾當陽再覩乾坤正陟岡在原
來復返海水天風歲將晚行行白馬燕雪深飛飛黃
鵠秦雲遠離堂命酒羽觴疾畢昂盈軒月東出主人
留連客離席慷慨爲子歌今夕

海風行

下關臨蒼海點蒼之衝有石梁曰天橋口歲
恒風烈偃樹走石人馬辟易予夕憇客郵聞
吼聲傍枕發响尤雄明適過之織蘿不動乃

賦以志之

蒼山峽束滄江口天梁中貫晴雷吼中有不斷之長
風衝波動林沙石走只尺顛崖迥不分征馬長嘶客
低首我行其野歲仲春春寒野陰雲物屯病骨凌兢
坐自躓欲去未來先愁人山靈相假若有神織蘿不
動停颺塵烏鳥聲樂旅顏破僕夫咲語龐眉伸翻思
往昔蘭臺直披襟曾奮雌雄筆金門玉堂遠別來景
差唐勒長相憶飄蓬落羽向南荒憔悴榮華寧有常
不學回風悲屈子江邊愁結芰荷裳

新開嶺行

廢丘關前榛莽積新開嶺上烟嵐闢新途古道太多
岐暝色荒烟帶征客岸下寒江流水碧崖畔霜林楓
葉赤日暮畏行豺虎陌松燈苕火投孤驛北渚鳴鼉
應遠更南巒哀猿響終夕

玉溪云棧閣夜
行方識此景

奇景行畢節早行作

晴嵐空濛羃朝彩頓看色界澄飛靄白雲翻在半山
腰下窺深箐如銀海湏臾赤日上青林銀海鎔爲紫
磨金窮岫瘁鄉那有此天教奇景換豪吟

苔磯費生畫屏歌

往年嘗愛岑公詩吾觀費子毛骨奇婉孌總角突而

弁粉繪風流今在茲素屏八幅君能畫咫尺江陽影
仙界寶山春眺立蒼茫海觀秋瀾湧澎湃龍潭時雨
稻苗齊霽雪方山勝剡溪白塔朝霞紅散綺東崖夜
月明如珪荔子丹芳錦林麗餘甘客舫無留滯避喧
可當武陵桃招隱還同小山桂乘興何須慕遠遊山
中日月自悠悠君不見眉山蕭旭亦好手流落滇南
今白頭

琵琶短引

唐池南席上作

漢宮佳麗呼韓婦黃金捍撥春風手鷓鳳宜承馭娑
恩犬羊翻作穹廬偶行行北斗望南看馬上一聲堪

白首茫茫烟草叫胡笳漠漠塵沙雜刁斗塞垣三秋
 少鴈鴻幕庭四月無花柳楓香絕調今共憐糞英幽
 恨君知否遺譜誰將異代傳豔辭自出騷人口賀段
 本領昔已荒穆曹官調知何有定子新從北里來杜牧
 之管兒不是東墻樓元微之華表工彫犀四稜錦條自
 結絲千縷琵琶四軸名華表兩孔名迴窓見顧凱之賦撚絃運軫翠蚪盤
 促撾急節朱鸞走輪袍古引連瑣新驚颿截浪忽雷
 吼曲終懸尾復重頭掩却瓶笙兼瓦缶良夜邀歡松
 炬難主翁愛客江魚剖善謔欣逢宋魏三知音况對
 唐元九飽諳世事反覆多甘向天涯淪落久船中肯

溼馬曹衫樽前且進牛及酒

射虎圖為箬溪都憲題

錢選好手工白描粉墨丹青色沮喪細觀逸跡迥不
 俗氣骨深穩形蕭放中丞此圖開似我行行遊獵極
 殊狀漢家昔日李將軍生射猛獸天下聞彎弓半夜
 沒白羽飛鞚晴晝生黃雲今之圖畫無乃是披卷似
 覺陰風起積雪慘淡長白山草木蒼乾松漠聞將軍
 身乘大宛馬從騎亦是驍雄者合圍射虎虎帶箭相
 持不肯遽相下虎鬪馬驟兩若飛咆吼欲震長平瓦
 東海黃公魯卞莊裴旻舞劍相頡頏古來英英者數

子繪事簡冊傳芬芳何物少陵愁杜甫短衣南山思
射虎老驥伏櫪悲鳴苦壯士哀歌淚如雨天狼煌芒
直威弧安得此輩西滅胡却走馬蹄報神都爲獻單
于款塞圖

臥月引爲錢節夫賦

昆明池上逢錢郎青雲爲衣白霓裳手持寶月金仙
偈口誦明星玉女章自言五華峰頭住夢遊玄圃樊
桐路御風學霧兩無心惟愛月華籠海樹少年名姓
懸月中老去猶充脩月戶月裏仙人宋無忌持斧吳
剛作仙使下界愛月升高丘步虛一聲龍白頭何如

放舟臥明月仰看銀河天倒流乘鸞翳鳳過北斗炤
景煌煌酌天酒玉兔爲脯桂作薪咲携吳宋兩仙人
老蟾踏翻醉不醒嫦娥起舞榆花春

石雲寺見山茶梅憶愈光

江梅山茶早爭新點蒼逢春憶滇春金碧同遊似昨
日紅素兩芳如故人此山見花還載酒醉歌激越喧
林藪莫看華鬢驚客心且喜風光入吾手

寄張季文

美人別我歲幾華碧草五見生天涯東風東來飄錦
字忽如青天披雲霞往年君向秣陵去海夢橫分溧

楊升菴文集卷之三十一
陽樹今年君自滇池還風光又隔點蒼山佳期不得
同携手惆悵令人青鬢斑

賦得靈巖閣送余懋賢

名承業

青衣江水青楓林靈巖樓閣冠靈岑鯨音曉徹三峰
靜漁唱霄連五渡深三峰五渡招提景雙林八水氛
埃屏花雨諸天白壁雲松風六月丹崖冷丹崖白壁
上清虛石竇雲龕縹渺居玄度每過支遁室陶潛常
醉遠公廬子別靈巖歲初改早見聲儀動江海仙舟
玉節下清冷烟巒霞嶼生光彩巖前落水秋紛紛樓
下澄江靜練紋登臨定擬湯休作好寄新題向碧雲

升菴先生文集二十三卷終

升菴先生文集二十四卷

成都楊慎著

從子有仁編輯

後學趙開美校正
高安陳邦瞻重校
江陽王藩臣
內江蕭如松全校

七言古詩

提學陳西漁品士亭歌

君侯品士如品竹品士亭臯森種玉擬占易象玩蒼
筭逝將詩興歌淇澳游雷半夜擗龍驚嶰谷先春紫
脫生脩織一一如人立節足聲聲學鳳鳴伶倫律管
迷宮徵千載元聲元不死文章迥出珊瑚枝簫韶猶

楊子集卷之三
在瀟湘水黑頭心期汗青日獨騎魯麟續魯筆禮樂
攻吾化雨滂藻彞繪帝卿雲密赤闌西面最宜秋靈
籟沉沉顯氣浮手中九苞屬天匠眼前萬物供冥搜
江湖那容閑袖手三山六鼇亦何有只今赤管輝金
章豈數當年靳許昌甘露竹花何漠漠此地容無此
亭著軋坤光燄燭滇陸早晚勛華上阿閣

錦津舟中對酒別劉善克

錦江烟水星橋渡惜別愁攀江上樹青青楊柳故鄉
遙渺渺征人大荒去蘇武匈奴十九年誰傳書札上
林邊北風胡馬南枝鳥腸斷當筵蜀國絃

贈韓飛霞

往年見君黎州城荒林明月尾虎行凸杯百罰醪醕
酒么絃四犯玲瓏聲十六年來若反手天涯白髮通
相驚君今結舫漁磯宿愁霖我住癡禪屋空江瑟瑟
縈霜葭濕磴層層阻雲木晴風何日颺茶烟策杖相
求慰幽獨

紅蕖引用李長吉體

紅蕖羅襪艷長江苔錢翠膩弓鞋幫邯鄲步弱西陵
遠螭蛾欲飛玄的雙妙鬢雲盤巫螺淺垂柳梳梳花
剪剪魚尾霞烘卵色天紫磨金輪月夕圓行波遙遞

楊子春文集卷之三
綃宮賤素女多情愁胖絃

櫟括劉緩李巨仁及古鏡銘語

君家寶鏡何年世土花苔葉新開翳茱萸匣掩鷓鴣
班珊瑚臺掛蟾蜍臺是軒轅鏡姓溫背後銘文宜
子孫海氣空濛若圓燈勾闌匝似城門雄鳳雌凰
本自雙左龍右虎順陰陽繡戶無波菱自動紗窓不
夜月恒光上有仙人不知老渴飲玉泉饑食棗嫦娥
休上廣寒宮偓佺同住蓬萊島

爲唐池南題秋江遠眺圖

秋空沈寥秋影濶魚尾霞收雲一抹千崖有靄風落

山萬壑無聲水歸末杈枒老木挈虬龍榎槭平林叫
鷓鴣不聞金籟似竽鳴但見翠微如黛溪宰堵僧睇
迴不昏略約樵行危易怛一彎赤燒楓人明萬箇黃
雲稻孫割尋穴玄駒迷東西卜樹烏鴉相叫聒詞客
頻將技癢搔畫工欲把天機奪老倦捫蘿與攀葛倚
闌獨把吟髭捋遙岑寸碧天杵倚遠目雙明海月掇
開樽披圖興不淺烏絲欄界玄霜沫爲君走筆賦新
詩却笑蕭郎擊銅鉢

賦得千山紅樹圖送楊茂之

蕭郎雅工金碧畫愛画碧鷄與金馬畫作千山紅樹

楊子春文集卷之三
圖行色秋光兩瀟洒搖落深知宋玉悲登山臨水送
將歸丹林初曉清霜重紫谷斜陽赤燒微故人辭我
故鄉去滇樹遥遥接巴樹桑落他山共醉時楓香客
路銷魂處白首遐荒老未還流波落木慘離顏錦城
紅溼那能見千里隨君夢裡攀

後神樓曲有序

司空南坦劉公

元瑞

慕陶真白茅山樓居足

不履地之事而未構樓也待詔文衡山爲繪

樓居圖俾神栖焉射陂朱子

日藩

作神樓曲

余隱括其意爲後神樓曲

安期昔製神樓散射陂今作神樓曲神樓主人南坦
翁欲往從之限空谷吾聞仙家五城十二樓樊桐方
丈繞瀛州長風引舟不可到環中根像空神遊坦翁
元是神仙流何年飄然下丹丘天庭摘藻挾鸞鶴雲
輶立仗鳴華駟北斗南宮不肯住掛冠歸來營菟裘
碧瀾罨畫開苔雪紫烟縈帶彩雲夾新波菱榜泛青
翰過雨蘋風爽鳥恰人間九罟播聲詩天上五龍傳
睡法青李遙看尺牘來雀羅淨掃昏眸開尻輪神馬
馳萬里坐我赤明龍漢臺一氣孔神存中夜手翳華
芝海若詫中有真人巾金巾授以靈文老復姮玄珠

纍纍蒼玉鳴烽沉柅闐歌太平豐屋天翔鬼瞰室廟
謨何用談佳兵遊仙夢覺聞清嘯載賡清潤連清調
願從廣成順下風肯許襄童窺未照咸池濛汜紛如
馳扶起混沌湏神鑿他年合遇神樓散約公海上尋
安期

高縣義士行

山都水都蠻寨連九絲之城如絲牽鴉飛不到山勢
惡篋笏刻戟生愁烟沿村殺兒將女去黃鷄白犬不
得眠主兵不救城郭遠含冤苦苦徒呼天高縣義士
譚金錢鳴傳嘯侶排戈鋌眾寡不敵吁可憫捐軀舍
生遭實顛至今里社傳靈異素厥坊宅榮陌阡何當
尸祝慰毅魄以配九歌國殤篤我今感作義士行他
年貞石堪銘鐫

普市

孤城比屋雪封瓦重露濃嵐冪四野飄颻風凹巧回
鳶凝涸水槽工溜馬倦客落日投主人冷突無烟炊
濕薪敢辭白首禦魑魅眼見木夫尤苦辛

赤虺河行

君不見赤虺河源出芒部虎豹之林猿獠路層冰深
雪不可通千尋建木撐寒空明堂大厦採梁棟工師

估客穿蒙籠此水奔流似飛箭縛後乘桴下蜀甸黯
淡灩澦險倍過海洋流沙爭一線誰駈鳥鵲役鼃鼃
秋濤夏潦息盤渦栢亭雲屏濟川手奠民枕席休干
戈安得脩爲夷唐道鐫刻靈陶垂不磨赤虺河卽唐武后
世征雲南檄文所云赤虺河也虺呼爲水音相近爾

寄題陳海樵息柯亭

海樵仙人居海濱偃佺美門爲主賓一口汲盡東海
水海底珊瑚樵作薪邇來又逐雲中侶鱗宮貝屋難
留住六月一息逍遙遊斧柯掛在珊瑚樹

與劉虛湖醉對白石畫舫亭

七十二年老遷客騎馬復走滇雲陌二妙風流絕代
無談笑渾忘窮海謫畫舫亭前花正開佛桑含笑粉
紅腮畫圖更愛韓熙載一幅婢娟進一杯

華燈引琴思漢調

燭龍潛耀顧兔微金缸委照玄夜暉蘭膈吐焰芙蓉
葳蕤熒火齊歎煙璣九枝絢爛虹九圍丹鯨樹鬢蟠
彩翬長明掃暈蛾停飛啼鳥聲緯玃瓏扉東山戎旅
吟伊威鳴梧高張黼低帷背壁抱影鼓思歸星翻漢
回海漏稀

題扇贈張愈光

張子扇頭水墨痕盡我讀書秋樹根天涯獨此各感
慨我未成歸子苦奔空谷白駒形影瘦南山玄豹風
塵昏孔明廟前老栢樹商聲激越歌無句門外僕夫
引西路點蒼璘璘莽回互

辛卯除夕飲潘郎金斗歌

主人新得黃金斗好客尊前爲余壽招搖揭柄轉春
星沆薤騰波挹仙酒天涯今夕歲云徂痛飲狂歌夜
良爰乍可用尔爲鴟夷萬事盡付持杯手君不見商
彝周鼎徒聞名見之不識人不取

謝周健夫惠易冶劍歌

仙翁劍客元同流昆吾歐冶誰能儔鑄成寶刀曼琳
環蛟龍宛轉盤斗牛上有欵識燦銀鈎隱隱起如雲
色浮天吳俛首黔羸愁白日犀塵不敢留却鼠鳴鴻
赧然羞使君得此自玄州太行剛風鷹隼秋何物妖
魅干天囚一揮可當萬貔貅歸神日毋抱地喉霜稜
霞燄夜不幽獨騎赤驃馬棗騮身披昂藏日本裘上
黨寰宇舉蛻嶠星沙月蝟輝滄洲天門信信虎豹彪
瑤臺佚女之蹇脩歸來茵閣與蕙樓水擬方壺山擬
緱吹首一呖嗚莊周生平不能作蒯謳乍可公孫舞
纏頭蓬髮濡墨驚潛蚪雲岑仙人意氣投解后贈我

楊子春文集 卷之三
千金訓沉烽靜柝無國仇含光承影將何求夸蛾巨
靈機已休洞庭君山如苔漚他時相携負嶠遊

禹碑歌

禹碑在衡山絕頂韓文公詩云岫嶺山尖神
禹碑字青石赤形模竒科斗拳身薤倒披鸞
漂鳳泊挈龍螭事嚴跡闕鬼莫窺道士獨上
偶見之我來咨嗟涕漣而千搜萬索何處有
森森綠樹猿猱悲詳詩語始終公益至其地
矣未見其碑也所謂青字赤石之形模科斗
鸞鳳之點畫述道士口語耳若見之矣發揮

稱贊豈在石鼓下哉迨宋朱張同遊南岳訪
求復不獲後晦公著韓文考異遂謂衡山實
無此碑反以韓詩爲傳聞之誤云再考六一
集古錄趙明成金石錄鄭漁仲金石略之三
家者古刻昉列無遺獨不見所謂禹碑者則
自昔好古名流得見是刻亦罕矣碧泉老子
得墨本於楚持以贖予予撫卷而歎曰嗟乎
韓公所謂事嚴跡闕者信夫不然何三千餘
年而完整無泐如此何昔之晦何今之顯晦
者何或翳之顯者何或啓之天壽珍物神飶

楊子春文集卷之三
吾嗜不必以生世太晚爲恨也已作禹碑歌
以紀之

神禹碑在岫嶠尖祝融之峰凌朱炎龍畫傍分結構
古螺書匾刻戈鋒銛萬八千丈不可上仙局靈鑰幽
以潛昌黎南遷魯一過紛披芙蓉塞水簾天柱夜瞰
星辰下雲堂朝見陽輝暹追尋夏載赤石峻封埋古
刻蒼苔黏拳科倒薤形已近鸞漂鳳泊辭何織墨本
流傳世應罕青字名狀人空瞻永叔明誠及浹滌集
古金石窮該兼昉列箴銘暨欵識橫陳駢躡和釜鬻
胡爲至寶反棄置据據磨蟻捐烏蟾又聞朱張遊岳

麓霽雪天風影佩襜搜竒索秘跡欲徧春倡撞和詩
無厭七日崎嶇信有覲一字膏馥寧忘拈非關喘嶮
阻登陟定是藤葛籠窺覘好古予生嗟太晚拜嘉君
貺情深快老眼增明若發覆尺喙禁斷如施箠七十
七字挈螭虎三千餘歲叢蛇蚪憶昔乾坤漏息壤蕩
析莽庶依苓椽帝嗟懷襄咨文命卿佐洛洞分憂憺
洲并渚混沒營窟鳥迹獸迹交門簷竭來南雲又北
夢直罄西被仍東漸黃熊三足變鮫服白狐九尾歌
龐神後乘包湖受玉籙前列溫洛呈疇醜永奔窳舞
那辭朕平成天地猶垂謙華嶽泰衡祗鎮定鬱塞昏

徙逃喁噉文章絢爛懸日月風雷呵護環屏黔君不
見周原石鼓半已泐秦湫楚詛全皆藏此碑雖存豈
易得障有嵐靄峰巘巖登音夏絕柱藜藿吊影颯瑟
森簫柝湘娥遺佩冷斑竹山鬼結旗零翠歛造物精
英忌洩露祇恐羽化難留淹欲摹拓本鐫崖壁要使
好事傳緗縑著書重訂琳瑯譜裝帖新耀瓊瑤籤麝
煤輕翰蟬翅榻煩君再寄西飛鷁

明 新安 吳勉學校梓

升菴先生文集二十四卷

升菴先生文集二十五卷

從子 有仁編輯

成都楊慎著

後學趙開美校正
高安陳邦瞻重校
江陽王藩臣
內江蕭如松 全校

七言古詩

南枝曲

會川五里坡獼獼哨邊有古梅一株婆娑蔭
映形如曲蓋封蘚斑駁文如篆籀蓋數百年
物也予平生所見梅樹此為冠絕惜乎生於
窮山絕域而不得高人韻士之賞也玩歎之

餘作此曲焉

我渡烟江來瘴國毒草嵐叢愁箐黑忽見新梅粲路
傍幽秀古艷空林色絕世獨立誰相憐解鞍藉草坐
梅邊芬蓋香韵風能遞綽約仙姿月與傳根地錦苔
迷蟻縫樹杪黃昏搖鳥夢飄英點綴似留人顧影徘徊
若相送焦桐椽竹亦何心中郎一見兩知音誰謂
南枝無北道願譜金徽播玉琴

水峽驛觀瀑布泉行

水峽羣山日月昏飛泉百道接江門猶龍近迓晴虹
掛似馬遙看足練奔懸紳瀑布屏風疊砮崖轉石青

天折三千尺下直難量十二嶠流承不絕

見水煙審經註

霧捲滴珠槽靄淨嵐沉冷玉膏莊周虛說鼇梁險枚
叟空誇鷺磧濤一從流戍辭巴蜀幾迴于役行荒服
百丈頻經水峽牽孤燈慣向江門宿織蘿不動月明
天彷彿桃源擬問仙滄溟有氣張圓橙銀漢無聲瀉
直弦山水清輝殊可樂已覺蟠胸飽丘壑乘興聊賡
太白篇知音莫笑徐凝惡

九厓草堂歌為督學余公賦

君不見九江之地匡廬山山人匡俗廬其間往時曾
讀支曇賦夢想神遊不可攀又不見東林梵宇金銀

寺蓮社松門清且麗陶劉宗雷有遺跡錦苔不識遠
公記竒甸靈區迥異常傍行敷落那能當生賢下瑞
在英俊物華天寶呈文章潯陽曾寓李太白芙蓉峯
前寄行宅春金戛玉詩百篇九江秀色可攬結九厓
先生儒之英含章秀發元氣精錦心萬卷汲脩綆霜
蹄千里邁遙程竭來邂逅滇之麓訪我迴谿與深谷
往年曾在瓊瑤書十襲玕藏昕夕讀暇日示我草堂
圖平林窈窕還崎嶇知公袖中有東海藻鏡流洪九
派紆巖廊登拜在朝夕肯放鴻臚許龍蟄銷魂悁脰
金馬門日望東南遠山碧

贈張生一鵬歸涪江并柬太宰松泉夏公

嘉君新自涪州至袖有松泉經歲字江潭憔悴采離
騷丘壑風流閑啓事西窓剪燭話巴山空谷楚音一
解顏何日陶潛三徑就追隨范蠡五湖間

宿金沙江

往年曾向嘉陵宿驛樓東畔闌干曲江聲徹夜攪離
愁月色中天照幽獨豈意飄零瘴海頭嘉陵回首轉
悠悠江聲月色那堪說腸斷金沙萬里樓

寶慶相

詠史彌遠也楊鐵崖有此篇余讀之恨其深

文隱語不足以誅姦諛且捨彌遠而傍罪余
天錫梁成大與趙葵諺所謂無柰冬瓜何捉
著瓠子磨也重賦此首

寶慶相臣大商賈不販海貨販宋主晝化飛燕啄皇

孫夜駕老蟾嬪月母

彌遠表裡楊后遂有三思之寵有作樂府詠雲以譏之云往來

與月為儔舒卷和天也蔽四十一年富且融格天偃月將無同老

死牖下猶未艾生魂歸來稱鬼雄君不見井研諫臣

鄧若水一疏彈姦澹菴比拾星漏曦非良史續宋綱

目者誰子

毛女引

睢鰲架濤擊海鼉秦橋遠見扶桑翠徐福樓船去不
還江壁俄傳蒼水使椒烟蘭霧卷衣人化作烏騅一
炬塵老龍鱗下毛衣女獨坐蓮峰閱幾秦

高嶢曉發過滇

碧雞關頭月上霞高嶢海色分人家菱塘眠柳猶藏
鴉雙雙柔櫓聲啞啞船尾風輕浪不花轉盼已屆滇
之涯

古歌寄盧思邵二首

我所思今在石湖欲往從之無輕艦晨朝遠望盡平
蕪美人贈我白象籤何以報之蒼玉鈿路遠莫致倚

煩厭何爲懷憂心出潛

我所思兮在筆溪欲往從之無輕輓夙昔夢見烟水
迷美人贈我文錦帶何以報之研光貝路遠莫致倚
蕉萃何爲懷憂心惋憤

送周世寧進士歸楚

周郎同榜復同庚瓊樹風流四座傾薇省爭傳八義
賦杏園都重數車聲鳴珮曉隨鷓鴣遙望雲春隔鳳
皇城素衣應染緇塵久燕鴈荆鴻幾回首秋後蕭林
轉北風烟中五兩隨南斗東南今已靜風塵舵鼓漁
燈夜問津楓林日出明丹葉瓜步潮來沒白蘋銅堤

折柳驚霜早赤壁吹簫見月新艤舟停榜郎西泚展
愛高堂承燕喜梅花索笑侍斑衣椒酒揚芳稱玉匣
少年何事獨遲回枕藉離騷紉蘭芷相思早訂相見
期勿使美人娟娟隔湘水

冬晴三章寄彭幸菴

冬晴連月歲欲闌北陸脩景迴南巒行人喜舞農人
歡負耒杖策各自返過涉不愁溪水寒
岷山白日多光輝清江微霧雪霰稀魚龍不蟄鴻鴈
飛塞上將軍未解甲城南思婦夜縫衣
岸梅春動江不波玉顏粲粲回缺柯瑠洲霜晚繁香

多吁嗟二物堪贈遠如此迢遞關山何

香霧髓歌

余得巨柑于江陽形如北方瓶梨不忍食之
 携至榮昌清夜與冷漢池夜話漢池不飲乃
 出是柑剖之味亦異恒品漢池曰昔廖明略
 晚登坡門飲以蜜雲龍飲茗遂為嘉話珂也
 晚登公門此亦公之蜜雲龍也請以坡詩香
 霧喫人及陸天隨星髓未雕之句合而名之
 曰香霧髓仍出鷺硯棗心筆屬予作此歌云
 君不見東坡先生蜜雲龍緘藏遠自朝雲峰宛丘淮

海四學士分江貯月初啓封又不見升菴老人香霧
 髓獅頭瑞柑萍實比香霧喫人星髓開錫以嘉名漢
 池始龍團獅柑各有神江陽玉局共稱瓊若把西湖
 比西子從來佳茗似佳人君才十倍廖明略姑射風
 姿昆玉脚蘭舟菱唱朝陽詩閑情止酒淵明作黑頭
 醅酸早歸來枕谷棲丘步紫苔王陽迴車九圻坂楚
 筵辭醴三休臺玄言疊疊懷坡老清夜沉沉同絕倒
 燭淚融成兩鳳凰仙蹤迴寄三青鳥酒酣邀我賦短
 歌楚頌亭前芳思多像置伯夷真不超才盡江淹其
 柰何

觀汝南王玉磬碑引

汝南帝子真天人冰壺玉樹凌風塵心源早契空門
地意象遠寄荒岑濱步折峰頭翠肌草直登萬頃層
霞杪金鞭九馬蒼煙叢霓旌千騎紅雲島伐石何人
得磬襄豐碑擊作聲琳瑯鳳凰毛羽落丹穴蛟龍文
采蟠銀潢山圖郡乘收難采波瀾東逝星辰改眼見
雙林成古丘誰問君王仙跡留可憐南浦西山外猶
有鳴鸞歌舞樓

芳蘭引

霸薰香草名見范子計然胡繩亦香草見楚辭

廣莫風中小歲春百昌未吐蘭芽新柔芸都荔元同

節園柳宮梅且後塵南國美人東家子若英華彩茗
榮比蕙樓茵閣起江邊綠葉紫莖羅戶裡崇佩朝充
翡翠囊溫湯夜浴鴛央水博山爐中百和香虎蒲龍
棗及都梁流雪迴風縈洛藹橫煙斜霧裊秦芳曾聞
有酒布蘭生復有雅曲猗蘭名願分明燭徐吾影未
媚國香燕姑情

月團茶歌

唐人製茶碾末以酥滲爲團宋世尤精胡元
入中國其法遂絕予效而爲之蓋得其似始
悟唐人咏茶詩所謂膏油首面所謂佳茗似

佳入所謂綠雲輕綰湘娥鬟之句飲啜之餘
因作詩紀之并傳好事

膩鼎腥甌芳醕蘭粉槍末旗香杵殘秦女綠鬟雲擾
擾班姬寶扇月團團蘭膏點綴黃金色花乳清冷白
玉瀾先春北苑移根易勺水南灑別味難

升菴先生文集二十五卷

升菴先生文集二十六卷

從子 有仁編輯

成都楊慎著

後學趙開美校正
高安陳邦瞻重校
江陽王藩臣
內江蕭如松 全校

七言律詩

僧鞋菊和顧箬溪韻

獅子床頭旦過鞦多羅樹下覺花開西風有脚垂垂
發東度無媒得得來挹露祗宜香界見行雲休入画
堂猜石湖舊譜難收盡箬社新詩取次裁

詠荔枝

萍實楚江浮赤日桃花秦洞粲紅霞試將海內芳蕤
數敢並江陽荔子誇雲液留香凝重錦冰丸映肉捲
輕紗美人釵股雙雙綴肯擲潘郎滿鈿車

夏雨不絕東張蜀望

張名峩

南滇六月朱夏涼疊疊雲嵐浮曉光林花含笑遠天
靜江草喚愁終日長闌風伏雨淹客路回谷深谿非

我鄉城隅隔手不相見車馬經過淋潦妨

王褒金馬
碧鷄頻回

谷深谿非
土之鄉

寄徐用先程以道

徐名文華

程名啓克

軒轅臺畔雪霜寒陰磧茫茫萬里寬夢繞盧龍明月

易書隨鴻鴈朔風難天涯好在崔亭伯海上終還管
幼安應念瘴鄉孤戍者自將形影弔衰殘

庚寅除夕王子推送桑落酒適傳希說葉道亨

同過守歲卽事

桑落舊方傳陸海椒花新頌及滇春能消客底千金
夜頓有天涯兩玉人無家垂老同漂梗痛飲狂歌非
隱淪歲去年來真反手柳青頭白轉傷神

鄧州楊少叅兩依莊

楊名南金

名公妙年辭京華飄然歸來乘雲槎天上烏啼御史
府海邊龍卧神仙家東山老子興不盡南華真人生

楊子集卷之三十一
有涯空餘蟠胸濟世策日對隣叟談桑麻

泛浪穹海子

峰頭才見一泓幽沙尾驚看四岸浮沅水羅文堪並
色嘉陵石黛迴添愁秦源欲問桃花渡楚望渾迷杜
若州亦有滄浪舊歌曲晚來乘興更扁舟

帝釋山

帝釋山頭雲滿谿東菴飛雨西菴泥碧潭照眼石鯨
動翠微當面林鶯啼濛濛香霧花層溼漠漠生烟樹
點齊傍險銀鞍應未怯玉壺清酒爲君携

毛希曾園千葉梅

毛名沂

今年朔氣凌炎暉雪後見梅千葉稀空谷倚竹翠袖
薄洞戶穿燈香霧微嬋娟莫待月初賞綽約卽愁風
乍飛繁霜旅鬢不羞汝爛醉賓筵簪朶歸

臘朔後再向毛園醉梅

東閣早梅春已破南枝初月夜不遲羅浮仙人再入
夢揚州何郎仍賦詩留連錦席坐雲暖瀟洒玉樹臨
風歆嫣然正用啓粲齒鮀爾無勞嗟鬢絲

春興

八首

遙岑樓上俯晴川萬里登臨絕塞邊碣石東浮三絳
色秀峰西合點蒼烟天涯遊子懸雙淚海畔孤臣謫

楊升菴文集 卷之三
九年虛擬短衣隨李廣漢家無事勒燕然

又

昆明初日五華臺草長鶯啼花亂開探禹穴遊今已
遂吊湘纍賦未須哀巢雲獨鶴時時下傍水羣鷗日
日來散地幸容高枕卧清朝豈乏濟川才

又

諸葛提兵大渡津河流禹鑿迥如新彩雲城郭那無
跡黑水波濤亦有神象馬遠來銅柱貢犬羊不動鍊
橋塵靈關在眼平於掌歲歲蒲桃首蓂春

又

憶昔衣冠侍帝庭常陪鷓侶翫仙冥張騫銀漢通牛
斗方朔金門隱歲星鳩鵲吟詩宮月白鳳皇傳詔御
烟青夢回髣髴釣天奏腸斷蕭條海角亭

又

帝里朝辭供奉班客程宵濟洞庭灣湘靈鼓瑟清冷
外鮫女鳴機縹渺間青草波光連夢澤蒼梧雲物隔
疑山故園亦有岷江水垂老生涯釣艇間

又

平沙落日大荒西獨立蒼茫意轉迷蕙畹蘭皋愁晚
對竹垣花掖記春樓摧頽杜甫歌朱鳳憔悴王褒望

楊升菴文集卷之三
碧鷄白首艱難隨去住青雲容易墜攀躋

又

白屋茅堂枕碧沙玄亭亦近子雲家浣花溪上花饒
笑濯錦江中錦勝霞遊女秉芳歌窈窕狂夫題竹醉
橫斜悲來瘴海凋霜鬢愁聽山樓咽暮茄

又

天上風雲此際多山中日月竟如何爭傳鳴鳳巢阿
閣又見飛鴻出爵羅宣室鬼神思賈誼中原將帥用
庶頗難教遲暮從招隱擬把生涯學醉歌

謁二忠祠

學士文章懸日月尚書劍復上星辰九原松柏香臺
夜雙廟莓苔影坐春山鬼嘯歌拳薜荔海童奔走薦
芳蘋經過此地同揮淚况是江潭放逐臣

喜周木涇工部復至滇

吳門滇徼兩心期河草江梅一歲時朗月肯教玄度
共碧雲知爲惠休移好音起夜忘衰病喜氣先春迴
暖姿華頂溫泉俱舊約似留仙賞待新詩

看花出郊村店小飲

異國平居野興深花邊立馬此登臨雲林未許成歸
隱塵世惟思學醉吟若下風流新蟻綠長安春已舊

楊升菴文集 卷之三十一 五
貂金芳菲遲爾來何暮葉底流鶯正好音

寄文徵仲兼問訊姜夔賓

翰林供奉白頭時洗墨歸尋古劍池近得王家湖水
帖遙傳謝氏敬亭詩扇頭雲楸搖山翠障子烟花動
海漪頻過時川草堂否三游空結夢中期

賦得百花潭送人之楚

滄浪潭水照潭花無賴家家惱杜家不數潘安河內
縣堪留衛玠洛陽車晴煙翡翠蘭苕溼涼雨鴛鴦苒
藻斜五兩行穿巴峽楸百壺先泛楚江槎

廣都舟中寄謝翁齋

江波錦落寒潭清彩舟曉發芙蓉城中流帆影虹蜺
卧夾岸櫓聲鷺鶴鳴越裳白雉已入貢荒服碧雞猶
遠征祗憑一札隔歲遞未知雙劍何時并

思公子篇

三五二八艷嫦娥百萬十千酬笑歌羅帳浮雲開玉
葉鏡臺明月湛金波聞鷄曉向侯家出走馬宵從主
第過絕漠蘇卿竟誰問長沙賈傅柰君何

南溪舟中與劉承之話舊

晴江初月對佳人明燭深林慰苦辛征棹來帆成白
首鳴嘯嘯侶憶青春萬重關塞浮雲外咫尺滄浪積

水濱歌罷語闌還別去朔風寒雪倍傷神

泛舟浣花東阜翁齋同賦

風簷水檻含清暉月閨夏五暑氣微
山中薜荔幽人帶池上芰荷遊子衣
雙魚六馬慣識曲青鈴白鷗皆
忘機楊雄玄閣不寂莫杜甫草堂天下稀

贈永寧白叅戎

貴竹新疆古蘭州分弓上將擁貔貅
笙歌城郭天無夜未耜郊原歲有秋
界首江青春洗馬海漫山翠晚
當樓銳頭勲業君家事四十登壇早拜侯

太華寺席上文似山詠郭舟屋

名文

湖勢欲浮

雙塔去山形如擁五華來之句愛其善狀景物
而惜其全篇未稱也屬余易其首尾

仙人掌上梵王臺雨霽秋清望眼開
湖勢欲浮雙塔去山形如擁五華來
摩天鸛鶴窺明鏡呷浪魚龍引
渡杯金碧西南無此景爲君扶病一徘徊

寄張風泉侍御

名渙定州人

貴陽天馬遠行空元是蘭臺鮑氏驄
未奉談犀恒北望忽傳書鯉到南中
龍筋舊識文成麗蟬瓜爭看定
武工誰道停雲形影隔成樓明月夢魂通

題楊補之梅

逃禪老人楊補之南昌新籍西川移寂寞真稱子雲
裔清夷不爲秦檜緇前身應是孤竹子後世但識梅
花師風霜搖落千林兀玉蕊瓊蕤何太奇

補之子雲
之後字从

才不
从木

寄袁子變 名恒

半豹才名真自許元龍豪氣更誰降堂前劍客呈鷗
九屏後琴姬擁鳳雙貫酒十千傾玉瀝呼盧百萬倒
銀缸舉頭望月沉珠浦携手何時濯錦江

以忠州雲根筆贈韓良菴

射虎當年舊將家賸將筆陣綰龍蛇停雲閣上紅塵

隔題竹林中翠袖斜燕寢清香盤紫霧鼠鬚玄點竄
青霞幾行隨墨千衝折何必斑超萬里沙

嘉州江上邂逅李蟠峰天使卽事

皇華原隰素絲行仙里庭闈綵服明家慶國哀同盡
節望雲就日總含情留連結桂橈相倚邂逅斑荆蓋
共傾抱病江天淹戍客煩君傳語碧鷄城

送曹侍御時信

成旅候明辭禁掖揚舲千里下蓬萊東波渺杳通南
國瓊樹風流映栢臺句曲天邊鄉信近石頭城畔暮
潮回遙憐避馬棲烏地好稱郎潛吏隱才

二王前二日朝天宮習儀

緋袍玉珮過長安紫府珠庭引百官一代威儀非漢
絕三成氣象是周壇城頭暝色籠輕霧林杪新陽破
早寒聞道宮衣添一線恩光請向衮龍看

升菴先生文集二十六卷

升菴先生文集二十七卷

從子 有仁編輯

成都楊慎著

後學趙開美校正
高安陳邦瞻重校
江陽王藩臣
內江蕭如松 全校

七言律詩

寄毛用成給事 名玉

別後追酌送別詩石頭城裏是相思屢聞高議歸青
瑣曾頌新聲滿玉墀坐隱曾留玉質斧好奇能寄李
邕碑崇霞臺上頻南望冀北花開鴈去遲

臘八日

御溝迴合咽冰泉宮樹霏微變冷烟丑應商春才八
日戌從漢臘已千年彩毫想繼銀鬕句玉燭仍稽寶
典篇隔戶車聲流水過却疑幽鼓奏村田

張云健而不瘦壯而

不怒有老杜有初唐

玉堂對菊閣試

碧梧消息委銀床黃菊芳菲對玉堂禁苑栽培元得
地仙家草木不知霜甘泉宮裡龍銜燭太液池邊鵠
借裳東閣吟成花掖暮南端歸去彩毫香

銅罐驛

金剛灘頭寒雨歇銅罐驛前朝望通天轉山形回合

異春添江色淺深同巴農麥隴層雲上楚客楓林返
照中水底鯉魚長尺半寄書好到錦亭東

萬縣元日

官燭光中飲頌花村鷄聲裏換年華寥寥人語水鄉
市統統鼓音山縣衙江上春風先入棹客邊元日倍
思家去程回望各千里翠壁青林寒雨斜

丙子慶成宴

兩世弟兄同此宴國恩家慶總非常春風疊鼓朝天
去曉日鳴珂滿路光周雅令儀歌愷悌漢臣諷諫托
文章虛沾需飲過三爵高仰星文詠七襄

望華山

白帝真源紫界封，金天削出翠芙蓉。
高擎零露仙人掌，俯瞰明星玉女峰。
陽壑春留千歲草，陰岩雪蔭四時松。
頻年來往塵埃裏，敢向山靈問逸蹤。

春齋有懷寺中同館諸君

瀛洲烟霧玉提陰，華蓋星辰接翰林。
風動水澌環御水，月明暗雪帶仙岑。
上陽樹色知春近，長樂鍾聲覺夜深。
爲問贊公房裏客，曇花貝葉對誰吟。

步驟自然
覽之快心

送童士琦瑞州府判賦得蜀江

蜀江瑞州水名
偶與蜀同

瑞州城下蜀江流，風物依然似故丘。
秣道靈源千里合，不知仙跡幾年留。
分符遠汎星槎去，負弩真如畫錦遊。
別後懷人更懷土，煩君時一到滄洲。

題畫竹

江南誰解寫琅玕，後有仲昭前孟端。
自從文藻流傳久，轉覺丹青賞鑒難。
生綃一幅瀟湘出，高堂六月冰霜寒。
玉林深處人如玉，欲往從之無羽翰。

春郊卽事

將軍獵射下南山，陵麥青青雉子斑。
自有良工誇左獲，不勞詞客賦重環。
千夫赤羽風前疾，百步垂楊醉

後攀薄莫古堤微雨歇拳騎仍踏落花還

贈王美中

名璋

青驄御史下丹青獬豸新裁瑞錦袍階下天風吹玉
樹海邊春酒薦冰桃西山日近恩光永南極星連執
法高應問蜀城回楫地長江秋水靜雲濤

次張惟信留別韻

名潮

朱絃之瑟清商音爲君一奏懷鄉吟雲烟西阻峩眉
望日夜東流江水心騷客芳馨蘭九畹仙人掖垣梧
十尋酒闌曲終車轍遠秋色不如離思深

送杜汝弼之官景陵時有水患

竟陵南去楚江深雲夢西連夏澤陰息壤萬家經歲
潦洪波千頃寄秋霖青楓曉失啼猿樹斑竹昏移宿
鳥林粒食更須愁衆口簿曹何以荅羣心

溫民懷宮諭許於浣別墅相招恐失佳約作此

戲簡

春來無伴訪烟霞忽憶仙人在浣花棋局幾時隨澗
竹釣舡何處倚江沙興憐隱浪金壺仄醉想臨風玉
樹斜舊日草堂君地主還須折簡到山家

雨中劉潤之僉憲見訪

名成德

鳴雨虛堂六月秋高軒空谷遠相求佳期每憶同星

楊子華文集 卷之三十一 四
聚良會須爲秉燭遊風磴雲端回白日水花烟葉亂
滄洲莫辭信宿陪孤賞更與江天散獨愁

見梅花

一辭青鎖滄江卧山城三見梅花破正愛家家臨水
開還愁赫赫和烟墮清樽欲醉不成歡雪調空歌誰
與和小院迴廊日又斜高樓短笛風前過

碧筒杯次余懋昭韵

月戶星楹敞夜燈荷筒桑落共淹仍傾來細瀉珠盤
顆摘去愁空翠蓋層消渴涼生金掌露迎風寒瑩玉
壺水三更促席歸何晚百罰深盃謝不能

送唐守之使朝鮮

名臯勳人

玉馬朝周封壤舊青雲千呂瑞圖來鳳皇樓上星辰
動鴨綠江邊霧雨開王會千年輝簡竹皇恩萬里賁
蒿萊張騫謾作尋源使陸賈虛當絕國才

送彭幸菴尚書致仕

二首 名澤

司馬英名起弁髦元龍湖海信人豪洪源紫塞黃河
遠爽氣金天華嶽高裴度歸來惟縱酒廉頗老去自
遺橐林居紫焰光騰夜含景蒼精有賜刀

又

公家食時書座右云出必如孔明處必如淵

憶昔西征歌采薇雪山萬里駐驂駢總戎全蜀風雲

陣紀績成周日月旂諸葛蔓菁遺壁壘陶潛松菊舊
柴扉前賢出處真相似雅志如公兩不違

懷歸

星橋南望沉犀渚雪嶺西連抱珥河關塞渺茫魂夢
隔山川迢遞別離多汀洲春雨塞芳杜茅屋秋風帶
女蘿心事未從詹尹卜生涯聊聽黠童歌

憶沐九華兄弟

難忘易識是君家爲愛君家好棣華玄圃春遊花繫
馬白門宵醉柳藏鴉停雲遠樹交嵐翠落月空梁印
海沙關塞各天勞敏夢萍逢何處定騫槎

讀江門驛景川侯曹公開河碑

曹名震

將軍玉劍虜塵清餘力還能水土平象馬邊隅通貢
道蛟龍窟宅奠夷庚史家底事遺經略郡乘何曾紀
姓名賴有琳瑯播金薤可無蘋藻薦芳馨

百福寺夜宿

千仞峰頭佛日晴雲端忽見兩僧迎篝燈宴坐曇華
結汲水煎茶雪浪生翠竹黃花同入偈蛟龍丘蚓雜
題名石房夜冷難成寐惱殺荒鷄不肯鳴

留別劉珥江

名大昌

東波南浦送輕航怊悵芳春發故鄉泛宅浮家沙鳥

楊升菴文集 卷之三
外銷魂迴首石犀傍垂垂楊柳人千里漠漠薰葭水
一方更喜欲來相慰藉挈音何日到江陽

吊孟拾遺

駱谷鸞輿再播移橫流滄海廣明時刑餘周召田中
令地下逢于孟拾遺赤水探珠迷象罔青霄蝕月任
墓頤懷沙沉石何曾問帳殿毬宮總不知

中巖留別余方池草池兄弟

又別中巖二十春禪枝忍草幾昏晨三生水月淹留
地萬里江山感慨身楚澤羈纍吟北渚謝家兄弟餞
南津酣杯且喜朱顏在覽鏡休驚白髮新

過南溪懷二劉參之承之兄弟

京國交遊四十春劉家兄弟最情親風流雲散三生
夢水逝山藏一聚塵沙步維舟催解纜隣村聞笛倍
沾巾可憐烟草江安樹愁見當年送別津

寄李芝山初岡二李國相

玄韵仙飈舞柜松新詩清水出芙蓉丹梯不唾青城
地彩筆曾干紫閣峰濯錦江波舟汎汎斲花樓閣榭
重重舊遊回首金沙寺幾度衣冠起暮鍾

舞又作灑
宋玉風舞

于松栢之舞字似切淮南子猶條風之時灑則灑
字亦可用不知孰爲勝○巨松見山海經

孟秋北岩招提卽事

楊升菴文集 卷之三
秋江芙蓉開且鮮紅粧碧水聞明燭可憐文室散花
地便是三管空侯天慈雲演梵香冪阜涼雨催詩珠
跳船醉鄉不見二豪至蘇門竟成孤嘯還

甲寅新正六日送簡西密登舟

金蘭意氣昔論文燕坐朝霜竟夕曛千里驅馳來蹙
道十年羈旅共滇雲交遊落落晨星散蹤跡悠悠水
國分江北江南從此隔何時何地再逢君

贈趙大洲太史

貞吉

起鳳才華錦水頭鳴鑿仙步上瀛洲文傳莊叔棲雲
集賦奏金卿花萼樓何國白環曾入貢至今青海未

全收廟堂終用平戎策未許栖遲老一丘

懷劉東阜謝翁齋

百福寺壁見二公詩

謝劉生死論交地巴蜀山川迢遞程萬古雲霄森意
氣五兵詞賦莽縱橫虞江精舍浮雲隔汴水孤墳宿
草生濯錦浣花遊眺地悲泉斜日下層城

二月二十八日與諸弟出野觀社笋輿穿窄徑
日中乃得平路小憇大梵寺

滴堦零雨坐深更天爲遊人放曉晴松蓋擎雲村徑
暗秧針刺水野田明菁葱俏舊憐春晚詰屈崎嶇覺
路生正惱懶蟬勾午睡蒲牢喜聽遠鍾鳴

四月十一日喜雨柬妹丈劉珥江周五津

五津能詩

善書

舟膠水淺似坳堂忽爾宵殘雨送涼原色未須歌滌
滌灘聲最喜聽浪浪望中笑電生矯矢夢裡雷車借
阿香便注仙瓢傾馬背盡回焦土作金穰

又

南浦新聲喜雨篇不須艷曲唱嬋娟惠連池草借靈
運杜甫簷花對鄭虔已見清風生羽扇更聞流水入
琴絃蜜雲龍茗勞珍貺好試東城解玉泉

姚鳳岡荔枝

栢府薰風荔子丹雕盤持贈下臺端絳紗囊裡冰肌
滑火齊枝頭水玉寒羅帕分珍慙逐客驛塵飛鞢憶
長安瓊瑤欲報才應盡獨立蒼茫倚曲闌

綠竹亭爲李前渠賦

二首

高人愛竹真成癖萬竹亭前竹萬竿風伯倚聲添颭
爽月娥分影映檀欒掃天綠粉晴猶溼拂地清霜暑
亦寒莫遣兒童摧錦籜成巢結實待栖鸞

又

綠竹亭前竹萬枝與來刻竹醉題詩裁成龍笛青瑤
管斫就魚竿綠玉池嘯詠宵分閑鼓吹平安日報偃

旌旗風流何羨揚州鶴紫脫蒼筤別有奇

次姚鳳岡名梧玉蟾寺韵約曾少岷名璣章后

齊名燃同遊

玉蟾寺在翠微間蒼筤林中萬竹斑人境由來非物

外吾鄉元不是他山何須老衲雙飛錫願共詩人一

扣關颯颯金風乘興去團團寶月伴君還

升菴先生文集二十八卷

從子有仁編輯

成都楊慎著

後學趙開美校正
高安陳邦瞻重校

江陽王藩臣全校
內江蕭如松

七言律詩

僧寺古梅

古幹盤龍鶴膝丫眠江似泛斗牛槎風酸寒凜香仍

馥雪虐霜凌葢自花冷面不為靈瑣艷鐵心寧受廣

平誇維摩一室空千偈坐對雙林寶月斜

曾少岷惠忠州新琢雲根筆

忠州井邑聚雲根筠管千年駁
蘇痕好伴輪囷接卿
靄不同澁勒暗蠻村高標自表嚴
顏節文藻堪招陸
贄魂西蜀鍾竒難韞積南豐新詠重
瑤琨

登丹稜縣白塔寺塔與呂竿川同賦

宰堵岩崿出半空蔚藍天界接
剛風魚鳧疆域遙瞻
外龍鵠山川近覽中乍似潜虬穿
坎窞俄驚飛鳥出
樊籠登高勝侶歸來晚樓閣烟花
紫翠重

嘉州劉介川進士母壽詩

阿母瑤池翠水滄生兒共道得寧
馨金仙元住岷峨
國寶婺遙連奎壁星蓋榜已看秋
桂綠蘭臺行校夜

藜青三江化作長春酒戲綵恒斟
愛日亭

喜雨

高閣憑闌暑氣沉寒山銀竹映森
森雲從太華仙人
掌風入蘭臺宋玉襟霖雨不關胥
靡夢荷鋤聊慰老
農心木桃投贈須君和醺醪浮香
喜自斟

病中秋懷

八首

八月江陽暑未休赫羲朱侵迥添
愁西岷秋老金猶
伏南詔星回火不流霜信幾時來
遶鴈雨聲終日望
鳴鳩似憐宋玉荷裯怨故遣班姬
團扇畱

又

尹氏遺蹤百尺臺招呼不見子歸來可憐文武爲邦
憲却泥嬋娟養禍胎鳴牝掇蜂終古恨衣苔帶藻至
今哀悠悠往事嗟何及浩浩東波去不回

又

南定樓前碧草春荔枝林下少埃塵三瀘名號訛千
古二水沱嵒會兩津青箬海商舩舫集紅粧營妓管
絃新多情莫悔登臨數良夜何妨秉燭頻

又

九絲城寨控諸蠻舊是鴉飛不到山深菁篔簹何太
毒橫江烽燧不曾閒蘿桐列哨誰傳箭高琪孤城只

閉關安得班超投筆起戎州暫得破愁顏

又

江郭西偏寂不喧卜居草草結櫺軒葢珠樓接芸香
閣紫洞天環薜荔垣書載洛中三十乘經傳柱下五
千言寬閑謝客緣貧病懶散從吾養性源

又

迢遞城西百尺樓登茲銷暑亦銷憂江山平遠難爲
盡雲物高寒易得秋吉甫清風來玉塵涪翁妙墨換
銀鈎餘甘渡口斜陽外靄迺漁歌雜棹謳

又

湘纍憔悴滯江潭
禪伯逍遙老梵龕
松下圍棋閑履
二花前度曲引杯
三不愁痼疾嬰雙
豎為喜良醫得

二柵任彭二殿正皆名柵
采藥名山吾願畢
白頭久矣謝朝簪

尾句又作更借新涼供穩
睡西風昨夜鴈聲南

又

炎荒避地廿年過
杞國憂天奈爾何
雜種犬羊紛北
虜妖氛牛斗更南
倭浮雲江漢愁心
結新月關山涕
淚多身佩安危有
諸老舌們孤孽且
長歌

毛伯玉點易洞

淨林蕭寺北山隅
曾是精廬隱昔儒
書帶草生移鉅

野篆文江繞接巴
渝吟詩雲合峰頭
碧點易霞留洞
口朱何日放舟偕
麗澤紅泉石蹬足
斟斟

次韻章后齋為余壽

香界諸天寶鏡開
玻璃江色入瓶罍
方舟南浦成佳
會飛蓋西園遊上
才明月臨時仙客
醉碧雲合處美人
來已甘投老二三
徑仰荷承平兩兩
台

携酒探梅

滇海南雲老歲華
世年不見故園花
吟邊索笑驚春
晚夢裡尋香覺路
賒凍夜明蟾清影
瘦搏風么鳳綠
毛斜興來是處堪
携酒徑造何須問
王家

喜任蒼岩至招之飲

栴

還家不落新春後征棹先逢舊雨前
繡被喚回巫峽夢錦囊賸有蜀江篇
垂垂梅蕊猶凝雪濯濯楊枝欲吐烟
好是玉盤傳菜日共酣金醴媚椒天

寄李心山侍御

扁舟暮倚荻花叢燈影皤然照一翁
明月此時千里隔清吟昨夜一樽同
人生南北真岐路客計飄飄是轉蓬
隴驛寄梅曾到否年光又逐斗杓東

釣魚城王張二忠臣詞

釣魚城下江水清荒烟古壘氣猶生
睢陽百戰有健

將墨翟九守無降兵犀舟曾揮白羽扇
雄劍幾斷曼胡纓西湖日夜尚歌舞
只待崖山航海行

聽歌

彩雲天外駐行盃明月樓前引上才
紅頰綻時銀燭爛翠睂低處玉山頽
飄飄俠客遊燕市窈窕仙娥下

楚臺千載王郎風韻在倩君重唱夕陽開

王右丞温泉寓目詩

唐人入樂府名相府蓮訛為想夫憐白樂天云秦川一半夕陽開此句尤妙

送道士何端陽往武當

纂嶺之峰丹翠含金膏水碧孕重岩
磨蟻遊人陟風磴驟鸞僊侶坐冰嵌
三霄寶月懸青櫛千歲玄霜下

紫杉此去暫離應萬里鶴書何日寄遙緘

浮橋

千尺長虹臥錦波懸撞度索笑牂牁玉環金鎖隨開
闔木客鮫人雜嘯歌漫道鼃鼃梁碧海虛傳烏鵲架
銀河堪憐來往驚鴻影步步塵香襯襪羅

送何柏村元戎

名卿

牛斗妖氛指日平暫勞鵠印掛東征捷書行奏長楊
殿軍令先傳細柳營冀北貔貅曾控御山西將帥半
牙兵功成歸隱青城曲社酒寒燈好結盟

水涇周公哀集鄙詩刻之作此以謝

漫興詩成斲逸多玉人彩筆為編摩四愁平子饒情
興五噫梁鴻發嘯歌羽獵長楊違侍從碧鷄金馬飽
經過彫蟲小技嗟吾老谷鳥嚶鳴奈若何

月梧大司寇喻公壽詩

茂堅

丁卯同年七十人回頭五十正嘉春沉沉海屋添籌
筭耿耿長庚映昊旻已見錦堂稱壽俊况兼青史傳
名臣千峰不隔南飛鶴一盞遙飛賀誕辰

詠風扇寄珥江

颺輪木羽引涼多金伏朱炎奈爾何姑射冰姿堪作
對山陰雪興可能過婆娑影裏懷瓊樹蹀躞聲中想

玉珂便擬千觴河朔飲仍聽一曲洞仙歌

送韓昺菴應廕上北

述甫

采蘭贈弟弟如金珍重金蘭只此心屈子秉芳留佩
鞢左思招隱間重襟驪駒北上瞻高步虎節西歸聽
好音奕世聞詩齊魯並豈惟韜畧似淮陰

夏松泉太宰壽

赤鳥歸來鬢未星紫垣光燄照涪陵山中宰相無塵
事河上僊翁有道經春色又驚梅葉白薰風幾換荔
枝青停雲問月多篇詠何日滄浪一共聽

觀平吳錄

庚申胡運卜終焉斗野驚看伏鼈懸九四由來真海
孽萬三未必是天錢可憐槎史嬰龍日又見胥臺走
鹿年管樂誰將饒介許孟兼遺恨醉樵篇

詠霧淞有序

甲寅歲秋冬久雨連月十一月廿六日甲子
曉籠霧微淞蓋晴兆也俗諺云霜淞行霧淞
貧兒備飯瓮往歲在北方寒夜水華著樹若
絮日出飄滿庭階尤為可愛曾南豐詩云園
林日出淨無風霧淞花開樹樹同記得集英
殿裏舞人齊插玉瓏鬆又曰香銷一榻瓊
毳暖月映千門霧淞寒韻書謂之凍洛洛音
索水著樹如索也

惟得天鷄誤曉光青腰玉女試銀粧瓊敷綴葉齊如
剪瑞樹開花冷不香月白詎迷三里霧雲黃先兆萬

家箱貧兒飯瓮歌聲好六出何須賀謝莊

招張愈光

癸亥歲時十六附此

容易年光斗柄東蕭條客舍酒樽空雪消已減乘舟
興寒重翻添閉戶功古道塵埃多去馬故人書信少
來鴻新豐逆旅知無伴何惜西齋一笑同

夜宿玉池

投轄多情信宿留長河未曙夜悠悠池停蛙鼓雨初
霽窻靜蚊雷風乍秋尋壑經丘殊窈窕談玄舉白更
風流名園已到終嫌晚還擬山陰雪夜舟

百梅亭

綠萼紅跗映碧瀧山香水調換新腔翰林風月三千
首樂府鴛鴦七十雙陳閣臨春森玉樹漢宮不夜爛
金缸梨雲梨雪都成夢桃葉桃根枉渡江

次韻陳玉泉見過

鳳

新詩清水出芙蓉南國才人陸士龍老去衡門饒寂
闕病來塵榻愧過從湯湯流水琴中思種種繁霜鏡
裏容良會蹉跎時迅速朱炎忽已變條融

贈郭雲屏閩帥

郭承天人

將軍出征向西川萬里從龍下日邊雪嶺雲開瞻突
兀錦江風定泛漪漣世家舊說金臺事樂府新傳寶

劍篇旌節花明營柳細徵還扈蹕侍甘泉

書扇贈薛曲泉二守 治

大賢為政即多聞杜老曾云我亦云千里清風傳穆
頌兩江流水漾漪文亭雲遠樹傷遲暮對月高樓悵
夜分葵扇揮毫酬雅意棠陰回首惜離羣

夏五亢旱彌旬曲泉薛公精禋露禱霖雨應辰

農望既欣道暘亦起詩以志喜

漫擬休瓊戲廣川土龍泥鶴盡成捐風雲忽送三更
雨庭院如鳴百道泉雲漢于今無旱魃甫田自古有
豐年吾廬坐愛涼如洗好續蘭臺賦颯然

訓周生贈扇上刻詩韻 周名宗堯

紈素裁成寶月光卷舒懷袖動宮商老來却厭丹青
手興到還登翰墨場坡老高吟三十韻右軍細扎百

千行光風薜若人雙玉明日蒹葭水一方 周生自長壽來省余

韓昞菴同會周與韓皆余中表懿親也

五月樓居雨涼欣賦

快雨崇朝溽暑徂頓令注夏病全蘇恍疑方丈清虛
島似對瀟湘水墨圖曲沼青鼃喧鼓吹高齋白鳥淨
軒厨冷然風御何須羨塔爾涼襟且據梧

贈薛生李德 名量府二守曲泉之子

棠花庭下見斑衣年少清才世所稀三鳳舊聞鳴
葦季駟今復景駢駢邠林丹桂開華省唐苑緗桃近
瑣闈琢玉慙予非哲匠泥金遲爾到漁磯

次韻章后齋

漫嘲阿昶誤金根聊效王家點黥痕老嫗重尋蕺山
寺道士頻過曇礪村黃庭鷓鴣籠歸翼赤管猩猩返

醉覓洛浦煩君翻舊賦驚鴻寧畏毳如毘

齊約為洛浦之遊○曇礪材山陰道士所居見文
房四譜○蕺山寺王右軍為老嫗書扇處也

升菴先生文集二十八卷

升菴先生文集二十九卷

從子有仁編輯

成都楊慎著

後學趙開美校正
高安陳邦瞻重校
江陽王藩臣
內江蕭如松 全校

七言律詩

孟冬苦寒滇南之行留別江陽親友

二首

昆池滇嶠廿年遊白首重來未得休靖節詩篇形贈
影莊周呼應馬兼牛江花品藻春紅隔城闕凝光暮
紫浮賞菊探梅還憶我想思莫吝置書郵

又

登鱸一望一魂銷，賴有清樽慰寂寥。
寵餞江陽殊藹藹，壯遊滇路漫迢迢。
梅心柳眼皆春意，燹舞夷歌亦舜韶。
猶有多情如杜牧，畫橋明月教吹簫。

舟中留別吳菴蒼崖

夢醒渾疑未別離，止舟却喜似歸時。
情親千里勞相送，衰病三秋指遠期。
左又興秦戍役，殿前曾識漢官儀。
琵琶商婦君休聽，恐動天涯貝錦辭。

天池夜宿對榻吳菴

永寧三百六十灘，順流劈箭上流難。
來賓霜鴈歲方晏，喚客荒雞星未殘。
羸軀肯容老巴國，濯髮真如到

涓盤明日魚鳧關外路，綠纓清淚對君彈。

次郭雲屏登西樓韻二首

說劍論兵邁品流，明時論賞早封留。
種衡許國三千牘，德裕籌邊第一樓。
城郭笙歌渾不夜，溪山草木未知秋。
輕裘已叶前賢事，衽革先寬旅客憂。

又

清香畫戟感時流，遷客經過此淹留。
零雨多情孫楚候，月明同夢庾公樓。
新梅艷艷爭迎臘，殘菊垂垂尚駐秋。
地主多君似嚴武，登臨暇日亦銷憂。

送永寧范商野二桑扶涯際涯北上

永寧山水接江陽毓秀鐘靈歲月長五色絲毫爭炫
爛三株瓊樹共芬芳卿雲影裏芝泥紫瑞日光中藎
榜黃老我扶衰淹病榻喜君惜別到文房

贈嵩明太守羅果齊

肯爲衰翁百里來蕭條寒館是春臺世家文藻匡時
畧環海謳歌作郡才芳草已隨江柳發棠花遙映野
梅開從今詩苑添嘉話清夢高嶢夜夜回

席上漫興重贈羅果齊

君侯載酒過春城畫戟清香絳燭明玳重青雲新意
象留連白雪舊歌聲坐如泥塑還和氣醉若山頽未

盡情知己相逢難遽別席間漫興又詩成

劉虛湖封白石載酒過高嶢

荒林遠在兩高人仙棹搖搖積水濱懷舊重過題竹
處尋芳正及賞梅晨登樓醉水渾無夜著屐尋山賸
有春爨舞滇歌元慣見渝兒巴媿愧橫陳

十二月二日張龍山謝高泉敖梅坡余九崖杜

晴江梁一江潘東溪携酒過訪高嶢

寂寂荒村生冷煙敢期車從在群僊釣竿未拂珊瑚
樹樽酒重登玳瑁筵潑艷池塘芳草外飄飄舟楫早
梅邊高嶢滇海留嘉話劍曲斜川合共傳

潘東溪都閩惠暖床

老去真成有髮僧，禪床四大續傳燈。
使君高誼來今雨，旅客鄉心屢薄冰。
寒榻中宵分外照，小樓兩度記同登。
交情却勝潘楊穆，孤枕長吟載寢興。

滇海歲暮

村燈社酒簇辛盤，春立星回臘已殘。
故國江山遙悵望，浮生節序幾悲歡。
寇公心事雷州竹，屈子情辭灑浦蘭。
草蓐藜床無雪霰，醉來一枕且偷安。

太守董約山訪予高嶢海庄勝言尋甸山水之

嘉卽事

使君高誼薄塵寰，邀我尋春慰旅顏。
不是蟠胸多磊落，那知絕域有江山。
玉杯家學曾親炙，瓊樹風流許重攀。
畫戟清香延坐久，村孤城遠漏聲閑。

荅昆明尹張極山

南荒遷客重來時，東道主人慰衰遲。
相望咫尺雲津樹，限隔一水昆明池。
彈琴假豫宓子賤，戴星出入巫馬期。
高嶢小樓有懸榻，一樽何日話心知。

次韻謝高泉送余往永昌

鷄足鷺頭遙五嶺，青龍赤虺遠三江。
嗅金寧卽非金齒，建木由來是木邦。
石上支筇何憚險，雲端飛屐不

須雙衰年憐我同萍梗麗句勞君韜錦杠

呂呈貢送官燭栢炭

冷落蒹葭水一方春風桃李近河陽燭明丈室散花
地炭熾仙家雕玉房酒伴掀髯呼博塞歌童炙手暖
笙簧盈盈相望還相憶劍曲溪邊興未忘

送梁一江北上

天子萬年昌曆永春王正月賀函齊穩流巴峽飛雲
棹如砥周行進月題魏闕雙飛雲裡鳳文樓三唱邠
時雞憲臣奏最來青瑣行見天書陟紫泥

贈倪江村

倪子江村一草亭望中雲白見山青酒杯落魄春浮
蟻書卷縱橫晚聚螢米芾舡邊虹貫月張騫槎木水
涵星古詩今調三千首一夜無眠枕上聽

安寧溫泉董北溪新建碧玉樓

碧玉泉邊碧玉樓崇幽何羨采真遊清秋長咲驚山
鳥朱夏閑眠對水鷗孺子滄浪休濯足高人劍曲漫
回舟衰年七袞重來此何限相知半白頭

陳子昂賦
雲物之美

麗而池館
之崇幽

送陳少野西上

蒲塞蘭津路阻脩金狻翠駁且淹留欲携杯酒歌三

楊子都文集 卷之二十九 五
疊又感重英詠二矛橫水光明誰執訊探丸赤白自
虛投飄然皓首芝山侶敢爲將軍借筭籌

贈謝平山

千里西征見玉人簷花池草話情親風流陶令歸何
早文藻桓譚論更新席上休談當世事杯中強覓舊
時春坡仙詩句君知否且鬪樽前見在身

次任棠山見贈

不貪夜氣識金銀漫道詩成泣鬼神耐可炎方禦魍
魅虛傳奕世掌絲綸乘雲久塌南溟翼濡沫應憐東
海臣珍重高人推轂意豨膏那解轉方輪

棠山携酒過荒館

天燈收後近花朝爲喜新晴物色饒其奈髮絲偏種
種無端心旆正搖搖望中雲樹三層堡夢裡烟霞萬
里橋獨有憲臺東道王酒杯棊局慰蕭條

歸途始發

重作滇雲萬里征歸途却喜遇春晴一筇歷歷記行
店雙堠頻頻減去程嶺上聞猿孤枕淚壁間見蝎故
鄉情烏蒙瘴霧昏眸久想對江花眼倍明

題五老圖遙壽張禹山八十

遐筭誰論魏羅結著書君似范長生九齡天錫言非

楊子春文集卷之二十九
夢五老星飛兆久成玄韵松風時靜聽仙醴花露日
頻傾永昌不數睢陽杜一鶴南飛寄此情

柯玉井贈寶劍

金裝寶劍倚崆峒持贈慚非陸賈功老境慢勞身出
塞少年空有志平戎冲霄紫氣璣衡北照夜清光奎
壁東虎豹潛藏魑魅避歸來不歎路途窮

何雙梧徐靜谷相送至廣通

迴磴關頭並馬馳春風二月送歸時纔醒何遜梅花
夢又續徐凝瀑布詩老去故鄉應息駕天涯再會更
無期月橋分手銷魂處便是此生長別離

奚柏軒李西崖許松溪三君子枉過張氏園

海上羣仙貫月槎辟疆園裏踏晴沙芊綿薙草開三
徑窈窕穿林似兩家曼玉獻金君子竹長紅小白女
郎花流年不用驚華髮良會何辭醉紫霞

廣心樓夜宿病中作

七十行戊稿

落窅重逢下石人七旬衰病命逡巡藤蘿深菁猿猱
穴瘴癘窮山虎豹隣枯木幾時雷雨露戴盆何地見
星辰元夫幸遇睽孤日寂寞寒灰也望春

三月十日雲樓上公見訪高嶢丘鴻夫楊子中
侍同觀梁徐僧權帖子昂春山勝事卷李伯時

九歌圖吳小仙獻香圖

喜逢嚴武解憐才
過訪旌旗駐未迴
黃絹色絲開古
帖綺筵彫俎進深
盃風清盡舫吟芳
草月上應門照
綠苔更與海濱添
盛事千金何用築
高臺

楊林病榻羅果齋太守遠訪

七十行成稿

荒店晨炊冷竈烟
忽聞五馬暫流連
關山盡是銷魂
路樽酒翻爲迸淚
遙遙想生還成幻
夢縱令死去有
誰憐眼前難縮壺
中地何問靈均楚
國天

遊華亭寺遇雨卽事

華亭高處接諸天
松柏陰森滴窅泉
玄默擬尋方外
侶清狂仍共飲中
仙茅容避雨山邊
店宗慙乘風海上
船越女紅裙沾濕
好不須翠黛感嬋
娟

董約山太守枉訪高嶢同遊太華寺

五馬三旌駐碧雞
松篁昏黑上頭迷
慈雲擾擾珠林
北寶月纖纖紺殿
西佳客興來還笑
傲浮生跡有但
羈栖歸來村叟分
雙炬微徑欹危獨
杖藜

挽錢南川憲副

鼓瑟湘靈夢已先
鳳嬉亭下識君賢
禮闈英妙矜三
捷憲府飛騰羨九
遷丹悃壯遊曾許
國黑頭未老賦
歸田華堂易簣嗟
何速深負如臯射
雉年

劉風山太守見訪高嶢

正和漁翁鼓枻吟忽傳五馬特相臨清風塵榻紆仙步細雨柴門聽好音陶館停雲幽興起樂庭披霧道情深不嫌野外無供給太華峰頭擬共尋

贈謝高泉

奕世盤盤出大才早時名姓兆魁台棟梁昭代占隆吉風雅明時屬總裁駑駘那堪成兩別隨騶行見出駢胎涸魚窮鳥如相憶感寓亭前有鴈回

柬高泉

鄉國懷歸近有期燈花先報主人知曉看飛鴈傳書

札夜夢驚鴻劈荔枝金伏朱炎殘暑退瓊枝碧月早秋宜玉關生入真竒事投筆班超又賦詩

駐節亭餞高泉

萬死投荒七十春幸逢桑梓話情親士師柳下難稱枉漁父蘆中易愴神往事悠悠如捕影餘生落落且同塵濁醪妙理天之祿好醉樽前掌上身

封白石工部劉虛湖戶部同訪海庄

搖搖畫舫艤湖東二妙多情訪病翁憶別久懷塵榻冷相逢莫放酒杯空廿程道路江陽近千里風烟蜀苑通有約重携二桃李早梅時節醉芳叢

送高泉謝公回滇周太霞同泛舟

高泉仙棹訪貧家城上高樓接太霞坡老旅情昌歎
酒雍陶鄉思米囊花迢迢紫宙凌風翰渺渺銀潢貫
月棧岐路不須悲斷梗吾生今已任匏瓜

撫臺游可翁命周生太霞校刻五經傍註因得
駐五華精舍晨夕晤語遂有此贈

早從芳潤嗽餘津理窟年來近道真瑟捨由來鏗爾

對業同祖謝響然臻陶詩周生述孔業祖謝響然臻懸金呂覽言空

詡鍬石中郎跡未陳白首無聞吾獨老昭昭何用解

祥麟

次雲樓上公韻五月十九日魚池雅會

環衢窈窕錦亭東珍樹留春綴糝紅鳥度屏風青瘴
裏魚窺明鏡碧瀾中賓筵鄴下詩篇盛軍次漁陽鼓
角雄獨有白頭虛授簡梁園應愧長卿工

魚池卽席贈玉華南華少華三公子

翩翩清世佳公子秩秩初筵集上才宿昔八龍何濩
落于今三鳳喜筵通家會面嗒何晚良會知音訝
許猜有約高嶢同過我不論晴雨有花開

六月十四日病中感懷 七十行戊稿

七十餘生已白頭明明律例許歸休歸休已作巴江

楊子都文集 卷之三十一
叟重到翻爲滇海囚遷謫本非
明主意網羅巧中細人謀故園先隴痴兒女泉下傷
心也淚流

升菴先生文集二十九卷

升菴先生文集三十卷

成都楊慎著

從子有仁編輯

後學趙開美校正
高安陳邦瞻重校
江陽王藩臣
內江蕭如松全校

七言律詩

病中永訣李張唐三公

已未六月

魑魅禦客八千里義皇上人四十年怨誹不學離騷
侶正葩仍爲風雅仙知我罪我春秋筆今吾故吾道
遙篇中溪半谷池南叟此意非公誰與傳

吳高河懋
嘗以楊弘

山土雲王純菴廷表胡在軒廷祿張半谷含李中
溪元陽唐池南錡爲楊門六學士以擬蘇門秦黃

晁張廖略云余曰得非于子而七乎七子文藻皆
在滇雲一時盛事余固不敢當也然余之遭妒中
害而卒不得還者竟以此不欲言其人姓名如柳
子厚傳河間云噫

蘭津橋

今名霽虹

漢書載瀾滄謠云漢廣德開不賓度博南踰
蘭津渡瀾滄爲他人卽此地也土人譌呼爲

浪滄云

織鐵懸梯飛步驚獨立縹緲青霄平騰蛇遊霧瘴氛
惡孔雀飲江烟瀨清蘭津南渡哀牢國蒲塞西連諸
葛營中原回首踰萬里懷古思歸何限情

昆陽望海

去年除夕葉榆澤今年忽在臨安城斜看暮景飛騰
意正念天涯流滯情寒梅判山我欲寄烟草瀘江誰
喚生隣墻兒女亦無睡歲火天燈喧五更

豐祿縣西蘭谷

響水關水繞蘭谷蘭之猗猗環谷芳瑤渦玉溟湧神
漢綠葉紫莖涵帝漿湘纍採作美人佩尼父嗟爲王
者香懷哉千古兩不見獨立蒼茫愁大荒

中丞白泉汪公生辰值安南欵報至

金湊銅柱貢函來象渚龍編道路開上將簡書回北
極中丞勛業冠南臺擬將萬舞排家宴欲取饒歌獻

壽杯節鉞可能淹衮舄明年何地望三台

春夕潘園

雨砌風簷墮棟花
虫書鳥字遍晴沙
春山載酒馳朝馬
江閣邀賓起暮鴉
陶令葛巾從滲漉
管寧紗帽任欹斜
殊方未覺追隨盡
韋曲風流更爾家

寄任少海李仁夫

擬折瑤華遺好脩
攀援桂樹且淹留
金膏水碧欣相待
翠觀岑青悵獨遊
海動三山任子釣
溪通九曲李仙舟
東南孔雀飛何遠
西北高樓雲自浮

連雨

昆明波濤南紀雄
金碧滉漾銀河通
平吞萬里象馬國
直下千尺蛟龍宮
天外烟巒分點綴
雲中海樹入空濛
乘槎破浪非吾事
已斬魚竿狎釣翁

次沐希甫山茶花韻

山茶競開如火然
山城淑氣銷寒煙
幾經南國芳華遠
忽憶上林花信前
賞心避地日多阻
抱病閉門春可憐
黃須紫萼莫相惱
青鏡綠樽非壯年

浪穹縣

鳧鴈唼喋菱苕光
翡翠搖裔蘭茗芳
古寺雙林帶烟郭
平湖十里通春航
遠夢似曾經此地
遊子恍疑歸

楊子集卷之三十一
故鄉桃園仇池到處有萍浮梗泛悲蒼茫

立春滇郭西看山茶

山國山茶太繁品春盤春菜先此筵多情日日花
懶惱無賴家家香接連河陽少年亦好事杜陵老翁惟
醉眠歸來瓊枝猶照眼焰紫然紅君馬前

春泛晚歸

滇海橫波搖遠天青峰影在柁樓前汀蘋嫋嫋風色
起崖草淒淒春興連漁父濯纓歌鼓柁姹女當壚工
數錢醉歸不嗔無兩炬東塔已高西月弦

甲午臨安除歲

江星動天人涉波滄雨毀山仍漏河兩崖渾不辨牛
馬千家直恐爲鼃鼃桑田滿地西成少桃壘同流東
逝多懸磬反關斷車跡有客無衣中夜歌

別周昌言黃孟至

長年三老試登艫雙窠小妓唱巴歛重露桃花薛濤
井輕風楊柳文君壚可憐鴻矰橫四海未許鷗夷浮
五湖銷魂從此渺然去迴首峨眉山月孤

五丁峽舊傳爲力士開山之地據史秦用張儀
司馬錯之謀以珎器美女賂蜀侯而取之小說
迂怪傳疑可也遂賦此詩

楊子春文集 卷之三十一
四
峽形千仞立蒼顏開闢從來有此山自是美人傾絕
國不緣壯士啓重關蔡蒙早入梁州貢庸蜀曾陳牧
野間謠俗流傳難借問丹青遺跡尚班班

顧箬溪中丞載酒過滇館

名應祥

濁水清塵十七年豈知披霧更雲滇釣竿未拂珊瑚
樹杯酒重登玳瑁筵春夢依稀蕉鹿後晨星寥落雪
鴻前逡巡醉寫張顛帖咫尺忘歸范蠡船

送蕭凌漢都閣謝病歸蜀

三輔名畿百戰場青冥鈇鉞白毫霜謝安儘有平堅
策杜甫曾無抹瑄章聞道軍威餘細柳試尋遺愛有

甘棠錦江未許垂綸久計日仙舟望帝鄉

鳳翔阻雨燕聞寇未靖撥悶

一首

萬里歸程兩月過淹留羈旅竟如何故鄉望處驚烽
火遠道愁時賦蓼莪秦嶺北來山礙日河陽南下水
增波竹林向晚鳴鳩急明日雨聲應更多

早寒

曉夢驚回聞早鴉新陽出海散明霞田隴初生戴星
草園林已發迎春花山脊炊烟穿高竹渡口漁船依
淺沙籃輿有暇可乘興西崦東臯問煮茶

賦得江上舟送人

楊子補文集 卷之三十一 五
濯錦江邊青翰舟別情歸思兩悠悠開帆影遠入雲
小合櫓聲齊和月柔正擬乘槎上南斗還思擊楫在
中流新詩懷古兼春興傳與巴人作棹謳

寄用貞弟

杜陵巴國苦寒行李白梁園昨夜情山葉早梅心萬
里雪窓風竹夢三更河橋晨別南鳧影江漢春催北
鴈聲回首長安當日下感時懷汝摠難平

送馮行健守興化

東方千騎別程催南浦雙魚幾日回秋向炎州隨鴈
去春行露冕見花開中朝奏疏匡時略窮海歌謠作

郡才上計卽看蒙上賞仙遊元自接仙台

王舜卿尹舜弼往昌平例送

一首

漢陵原廟近長安唐殿香爐遣從官月地旌旗屯虎
豹明樓燈火散鷓鸞稍驚霜堞栖鴉起轉覺冰橋度
馬難誰似玉堂雙宋玉郢歌一曲破郊寒

送楊仲立進士歸省

名儀

鄉國同年十載遙飛騰次第上雲霄扶搖去息南溟
翼象緯回瞻北斗杓楊子談經餘舊閣相如題柱有
遺橋誰從駟馬尋踪跡自向玄言賞寂寥

次王明遇留別韻

名良佐

秦地長城紫塞曲漢家亭障白雲齊將軍幕府傳刁
斗壯士關山送馬蹄鄉信迢迢隨去鴈邊心渺渺聽
鳴鷄行看烽火回中靜祗見明星隴上低

次韻惟信送客東郊

城外浮嵐翠巘開橋邊新漲綠波回鳴鞭紫陌遊人
出結軫青郊上客來南浦草芳春雨過東園花信晚
風催昏鍾杳杳尋歸路飛蓋飄飄帶晚埃

送何勳伯

柱史南巡采國風行臺分向浙西東星邊牛斗遙占
象湖上魚龍早避驄岫擁春雲天日近潮含明月海

門通心期又作三秋別書札還勞萬里鴻

送張孟復達州兵備副使

西蜀行臺持憲節東川分閫寄儒纓雲林曉日青羌
浦水國秋風白帝城潭下蛟龍驚鼓角門前鳥雀避
干旌折衝樽俎烟塵靜始信荀卿善議兵

答張起溟

君乘五馬向炎荒客送雙魚借寵光江月維舟添滄
漾海雲迎旆共飛揚東城極目春千里南浦懷人水
一方會待高翔凌紫極肯教獨立咏蒼茫

送祝文安知楚雄府

名弘舒

君領銅魚問碧鷄封疆諸葛舊營西禹山閣道盤丹
微岷水牂牁帶黝溪鼓角連城霄月淨干旌一路火
雲低請看盤木他年頌還擬中和樂職題

嘉陵江

嘉陵江水向西流亂石驚灘夜未休崑崙蒼藤懸日
月崖邊瑤草記春秋板居未變先秦俗剝木猶疑太
古舟三十六程知遠近試憑高處望刁州

無題

丁丑歲同何仲默張愈
光陶良伯作追錄于此

石頭城畔莫愁家十五纖腰學浣紗堂下石榴堪繫
馬門前楊柳可藏鴉景陽粧罷金星出子夜歌殘壁

月斜肯信紫臺玄朔夜玉顏珠淚泣琵琶

鄭立之中丞平蜀石城夷寨有詩紀事次韻

二首

漢庭不動九天兵瀘水重興五月征談笑折衝迴萬
里指揮能事定三城戎原夜市煙花繞澤國春畬歲
草生紀績休磨崖上石巴渝歌頌比風清

出關

擬唐人

狼狐芒角正彎環虎落連營又出關漢使征鴻何日
至胡兒牧馬幾時還千重紫塞迷青塚九曲黃河繞
黑山飛將殊勛猶下吏書生乘障敢辭艱

孟春與葉桐岡迎王鈍菴于郊卽事

正月勾東春已深遲客登樓延賞心苔池飛泉漱鳴
玉菜圃黃花如散金漢陽莫作窮鳥賦楚狂且停衰
鳳吟綠樽共喜日日醉華髮那畏星星侵

七星關新橋

架壑盤巖嵌碧空驅山鞭石讓玄功星梁天柱撐銀
漢雪浪雲濤抱月虹襟帶平分滇蜀險品題合占古
今雄登來彷彿臨玄圃不信飄零逐轉蓬

次姜夢賓登洱水浩然閣韻

誰賦風光草際浮謝公佳客盡詩流紫城雲樹迎江
閣白國烟波送海舟南浦移樽消旅思西園飛蓋記

仙遊愁來獨減登臨興病骨先驚一葉秋

安寧溫泉

鏗瑟舞雩歌點也流觴脩禊記羲之何如碧玉溫泉
水絕勝華清碧石池已挹金膏分沆瀣更邀明月濯
漣漪沉沉蘭酌春相引泚泚楊舟晚更移

得楊實卿書

逐客正傷南浦賦高人遙致北山文詩壇花月還公
濟玄圃方州又子雲起草共知雙筆健轉蓬何翅十
年分懷儂莫作相尋夢蜃雨蠻烟泥殺君

贈韓靈菴表弟

二一首

奕世龍韜耀將星守窓惟愛讀書螢愁看歐氏隴阡
表喜建蘇家族譜亭棣萼關情花寂寂寒泉入夢水
冷冷雙金片玉人皆許勲業行藏髻正青
病骨寒霄冷不勝擁爐塞向正凌兢壺愔蓮漏渾如
咽燈暗蘭膏坐自凝夜久夢回疑有雪朝來唾下欲
成冰狸奴戀暖驅難去縮蛭銜蟬隱被稜

